



## **TRIBUNALE DEL POPOŁO VENETO**

### **ALTA KORTE DE JUSTITHIA**

PROSEDIMENTO PENAŁE PROMOVESTO DA'L GRUPO PARLAMENTARE LIFE-APV A KARGO DE FONTHIONARI E SOTOMETESTI de "Agenzia delle Entrate" e de "Equitalia" ke opera so'l teritorio de Ła Republica Veneta dopo Ła data de'l 16 de disenbre 2014 .

INPUTADI DE : krimini kontra el PopoŁo Veneto pa' 'ver kontinuà a exijare da koesto ko'l se katàva in pien rejime de autodeterminathion anka obligandoŁo ko maniere forti, inposte, tase, more e santhion pa' konto de'l Stado taljan ndando kontra i prinsipii internathionaŁi so'l derito de autodeterminathion de i PopoŁi.

Ła Alta Korte de Justithia, inte Ła odiensa de'l 4 de febraro 2016, more veneto, ga judegà el Łaoro de i fonthionari e sotometesti de "Agenzia delle Entrate" e de "Equitalia" ke opera so'l teritorio de Ła Republica Veneta e ga pronunsià e piovegà sta sentenza

### **In nome de el PopoŁo Veneto**

In kontinuathion de Ła Serenisima Republica Veneta

Ła Alta Korte de Justithia inte Łe parsoni de Tonon, prexidente;  
Franzago, De Conto, Salton, Carobolante, Dall'Antonia, judexi de'l piòvego.  
Ritegnudo in fato,

Dimostrà e proà i ati kriminaŁi kontinoamente fati dai fonthionari e sotometesti de "Agenzia delle Entrate" e de "Equitalia". Ke el PopoŁo Veneto dal 25 de jenaro 2008 more veneto (eŁethion demokradege de'l PopoŁo Veneto organexàde da LIFE-APV) e almanko dal 21 de martho 2014 (Plebiscito dijitaŁe organexà da Plebiscito.eu) el PopoŁo Veneto fa da soŁo ko istituthion in rejime de autodeterminathion. Ke tuti i inputadi xe sta informà, int'el korso de Ła operathion "Matteo Evangelista" de'l 16 de disenbre 2014 ke koeŁo ke i faxeva e ke i dimandava jera reato kontra el PopoŁo Veneto pa' vioŁathion al so deirito aŁa autodeterminathion. Ke anka dopo Ła difida e Ła so mesa in mora, i xe 'ndà vanti ko Ła so maniera savendo koeŁo ke i faxeva. Ke pa'l prinsipio de Norimberga el pretesto de exegoire i ordeni no xe na difexa Łejitima pa' ati kriminaŁi.

Ritegnudo in derito

Ke el fare de i inputàdi xe in kostante viołathion del PATO INTERNATHIONAŁŁE SO I DERITI SIVIŁI E POŁIDEGI de Ła Asenblea JenaraŁe de Łe Nathion Unìe (New York, 16-19 de disenbre de'l 1966) fato soo da'l Stado taljan ko Łeje 881/77 e de precixo el vioŁa:

Art. 4 L.881/77 fregandosene de Ła preskrithion “*Sta leje ..... Xe obligà, kiunkoe ge spèta de oservarla e farla oservare fa leje de'l Stado*”;

Art. 1.1 metendo el bastòn fra Łe ròde al derito de autodeterminathion de'l PopoŁo Veneto ndando kontra koeŁo ke xe skrivesto “*Tuti i popoŁi ga derito aŁa autodeterminathion. Grathie a sto derito, Łori deside Łibaramente el so status poŁidego e i persegoe Łibaramente el so xviŁupo ekonomego, sociaŁe e kulturaŁe*”;

Art. 1.2 negando a'l PopoŁo Veneto el derito de tegnarse Łe so rikese “*.....poder Łibaramente tegnarse Łe so rikese e Łe so risorse naturaŁi.....*” e inpoarirlo anka se “*.....In niun kaxo on popoŁo pòŁe esar privà de i so mèdhi de susistensa*”;

Art. 1.3 metendo el bastò fra Łe rode e no respetando el derito de autodeterminathion vioŁando Ła preskrithion “*I Stadi ke fa parte de sto Pato se inpegna a promòvare el derito de autodeterminathion de i popoŁi e respetàr sto derito, konforme aŁe dispoixithion de'l Statudo deŁe Nathion Unìe*;

Art. 2.1 diskriminando i Veneti vioŁando Ła preskrithion “*Ogni on de i Stadi ke fa parte de sto Pato se inpegna a respetar e a garantir a tuti i omani ke se kata intel so teritorio e soto Ła so jurixdithion i deriti rekognosesti in sto Pato, sentha niuna difarensa, sipia de rasa, ..... Ła orijine nathionaŁe o sociaŁe, Ła kondithion ekonomega, nasita o koalsiasi altra kondithion*;

Art. 2.3.a negando de fato al PopoŁo Veneto medhi reaŁi de rekorso fa, invese, xe previsto “*..... dispor de mèdhi reaŁi de rekorso, anka koando Ła viołathion sia sta fata da parsonke ke ga ajio intel exercithio de Łe so fonthion ofisiaŁi*;

Art. 2.3.b negando i deriti de i Veneti ke rikore e vioŁando Ła preskrithion “*.... Ła autorità de kompetensa, judithiaria, 'ministrativa o Łejixlativa o altra autorità kompetente sekondo el ordenamento juridego de'l Stado, desida so'l merito de i deriti de'l rikorente, e xviŁupare Łe posibiŁità de rekorso in via judithiaria*;

Artt. 5.1 e 5.2 parkè vien nega i deriti de'l PopoŁo Veneto metendo in vanti Łe norme interne ai Tratàdi internathionaŁi ke de soŁito ga pì vaŁor.

Ke el fare de i inputàdi xe in kostante viołathion de Ła DEKIARATHION UNIVERSAŁŁE DE I DERITI OMÀNI de Ła Asenblea de Łe Nathion Unìe (New York, 10 de disenbre del 1948) e de precixo el vioŁa:

Art. 10 Łasando ke i veneti vaga da Łe Komithion Tributarie ke no Łe ga el karatere de independensa e inparthiasŁità ke sarìa previste “*Ogni omo ga derito, fa tuti kealtri, a na ekua e piovega odiensa davanti de on tribunaŁe indipendente e inparthiaŁe .....*”;

Art. 12 inkaxinando ko Łe so rekieste de skei Ła dita privà e Ła fameja de i sitadini veneti ndando kontra Ła preskrithion “*Niun omo podarà esar sotometesto a interferense senza rajon inte Ła so vita privà, inte Ła so fameja, inte Ła so kaxa ..... Ogni omo ga derito de esar tuteŁà da Ła Łeje kontra ste interferense e kaxini*”.

Ke el fare de i inputàdi xe in kostante viołathion de Ła KOVENTHION PA ŁA SALVAGOARDIA DE I DERITI DE'L OMO E DE ŁE ŁIBARTA' FONDAMENTAŁI de'l Konsejo de Europa (Roma, 4 de noenbre de'l 1950) e de precixo vioŁa:

Art. 1.1 gnorando el oblego de respetar i deriti de'l omo fa ke xe skrivesto “***Oblego de respetar i deriti de'l omo. I Stati ke ga firmà Łi rekognose a ogni parsona sojeta a Ła so jurixdithion i deriti e Łe Łibartà definii al TitoŁo primo de sta Konventhion***”;

Art. 4.1 favorendo Ła kondithion de servitù de'l PopoŁo Veneto vioŁando Ła previdhion “*Niun poŁe esar tegnudo in kondithion de s-ciavo o de servo*” kondithion vera dopo Łe rekieste fora de testa de skei;

Art. 6.1 Łasando ke i veneti vaga da Łe Komithion Tributarie ke no Łe ga el karatere de independensa e inparthiasŁità ke sarìa previste “*Ogni omo ga derito a na ekua e piovega odiensa drento on termene rajonevoŁe, davanti de on tribunaŁe independete e inparthiaŁe ....*”;

Art. 6.3.c Łasando ke i veneti vaga da Łe Komithion Tributarie ke no Łe ge Łasa difendarse da Łori fa preskrivesto “*Ogni on ke xe sta akuxà ga derito de difendarse da soŁo .....*”.

Ke el fare de i inputàdi xe in kostante vioŁathion de'l PRINSIPIO DE ŁA OGUAJANSA DE I DERITI DE I POPOŁI E DE'L SO DERITO A ŁA AUTODETERMINATHION sancio da Ła ResoŁuthion de Ła Asenblea JeneraŁe de Łe Nathion Unie, n.2625 de'l 24 de otobre de'l 1970 faxendo interferensa intel derito de autodeterminathion anka ko maniere de forsa fregandosene de Ła previdhion “*In baxe al prinsipio de oguajansa de deriti de i popoŁi e de'l so derito aŁa autodeterminathion, prinsipio konsakrà inte Ła Karta de Łe Nathion Unie, tuti i popoŁi ga el derito de determinare Ła so struttura poŁidega, in tuta Łibartà e senza injerense da fora e de persegoire el so xviŁupo konomego, sociaŁe e kulturaŁe, e ogni Stado ga da respetare sto derito fa preskrive Ła Karta.*

*Ogni Stado ga el dover de favorire, ko athion konkrete ko altri Stadi o da soŁi, Ła reaŁixathion de'l prinsipio de Ła oguajansa de deriti de i popoŁi e de'l so derito aŁa autodeterminathion, konforme aŁe dispoixithion deŁa Karta, e de darge ajuto aŁa Organixathion de Łe Nathion Unieal adenpimento deŁe responsabiŁità konferie daŁa Karta pa' koeŁo ke regarda Ła aplikathion de sto prinsipio pa':*

a) ..... omissis .....

b) *far fenire el koŁoniaŁixmo, tegnendo justo in konto Ła voŁontà esprimesta da i popoŁi interesàdi;*

*e tegnendo prexente ke metare i popoŁi soto el dhogo, Ła dominathion e el sfrutamento foresto diventa na vioŁathion de sto prinsipio e na negathion de i deriti fundamentaŁi de'l oma e xe kontrario aŁa Karta.*

*Ła kreathion de on Stado sovràn e indipendente, Ła Łibara asociathion o integrathion ko on Stado indipendente o ciapàr ogni altro status poŁidego Łibaramente decidesto da on popoŁo Łi xe pa' sto popoŁo modi de exercitar el so derito aŁa autodeterminathion.*

*Ogni Stado ga el doer de tegnarse distante da mexure de forsa de koaŁunkoe jenere ko'l skopo de kavarge ai popoŁi diti sora,el so derito aŁa autodeterminathion, de Ła so Łibartà e de Ła so independensa. Intel rispondare e rexistare a ste athion de forsa kontra el so derito aŁa autodeterminathion, sti popoŁi ga el derito de dimandare e de risevare ajuto konforme ai fini e ai prinsipii de Ła Karta.*

*El teritorio de na koŁonia o de naltro teritorio no autonomo ga, grathie aŁa Karta, on status destakà e distinto da koeŁo de'l Stado ke Ło aministra; sto status destakà e distinto el resta fin ke el popoŁo de Ła koŁonia o de'l teritorio no autonomo no'l exercita el so derito aŁa autodeterminathion dei popoli pì sora enunsià e ke gàvia, anka, on goerno ke raprexenta tuto el popoŁo de ke'l teritorio, senza distinthion de rasa, de fede o de koŁore.*

..... omissis .....

P.S.R

Kostatà ke i fati xe gravi e ke Łi xe dokumentà in maniera lanpante

Èa Alta Korte de Justithia

Dekiaa i inputà, fa man drita de'l Stado taljan, kolpevoÈi de krimini kontra el PopoÈo Veneto traverso Èa sistemadega vioÈathion de'l PATO INTERNATHIONAE SO I DERITI SIVIÈI E POÈIDEGI de Èa Asenblea JenaraÈe de Èe Nathion Unìe, de Èa RESOÈUTHION DE ÈA ASENBLEA JENERAE DE ÈE NATHION UNÌE, N.2625 de Èa DEKIARATHION UNIVERSAE DE I DERITI OMÀNI de Èa Asenblea de Èe Nathion Unìe, da Èa KOVENTHION PA ÈA SALVAGOARDIA DE I DERITI DE'L OMO E DE ÈE ÈIBARTA' FONDAMENTAEI de'l Konsejo de Europa

Kondana moralmente tuti i funthionari e sotometesti de Equitalia e Agentrate ke da dopo Èa mesa in mora de el 16 de disenbre 2014 ko Èa operathion “Matteo Evangelista” Èi xe 'ndà vanti ko Èa so atività de esathion inte Èi konfronti de el PopoÈo Veneto, al perpetuo disprèso.

Kondana tuti i fonthionari e sotometesti de “Agenzia delle Entrate” e de “Equitalia” visti pì sora, aÈa konfisca de tuti i ben mobijari e imobijari soi o ke posa esar soi, fa rixarcimento al PopoÈo Veneto pa' i gran dani moraÈi e materiaÈi da Èori provokà ;

Kondana tuti i fonthionari e sotometesti de “Agenzia delle Entrate” e “Equitalia” visti pì sora, aÈa pena de'l exilio da'l teritorio de Èa Republica Veneta pa' on periodo de tenpo in rajon de Èa gravità de'l reato faxesto e al grado del inkarego vuo; pena almanko de on ano, masimo a vita.

Provedimenti da fare pena ke se konkretixarà Èe kondithion pa' stabiÈire Èe singoÈe responsabiÈità e ko deventarà konkrete Èe kondithion pa' far exegoir Èe kondane.

Sprexiàn, 11 de febraro 2016 more veneto

El prexidente  
Tonon